



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Suspensione.

urn:nbn:de:hbz:466:1-10591

vel Legati Apostolici, aut Papæ, si sibi eam reservavit.
Sum. Angel. verb. interdictum. 8. in princ.

Absolutio ad cautelam, in interdicto speciali, non in generali, habet locum. *c. præsentि. de sent. excom. in 6. vid.*
Felin. ad s. Apostolica. de except.

De Suspensione.

T I T. XLVI.

Suspensio, h̄c, est censura Ecclesiastica, *c. quarenti. 20.*
de verb. signific. quā personæ Ecclesiasticæ, exercitium
sui officii, vel utriusque simul, in totum, vel pro parte, ad
certum tempus, vel in perpetuum interdicitur. fac. c. tisa-
rum. 11. de privil. Gloss. in Clem. 3. verb. suspensi. de pœ-
nis.

Est duplex, vel *Canonis*, seu *Iuris*; vel *Judicis*.

Canonis est, cum quis ob notorium crimen ipso jure à
sui ordinis vel officii executione arceretur.

Quamvis enim quilibet in peccato mortali constitutus
quod ad se ipsum suspensus sit, tamen quoad alios non est
suspensus; nisi hujusmodi peccatum per sententiam Judicis,
aut confessionem in jure factam, aut rei evidentiam nota-
tum sit. c. ult. de cohabit. Cleric.

Judicis suspensio est, cum quis per sententiam à dicta exe-
cutione ex causa removetur.

Eam præcedere debet monitio; fieri in scripto, causā
expressā. c. 1. de sent. excom. in 6. junct. c. reprehensibilis.
26. de appell.

Suspendi possunt tantum Clerici, non Laici, utpote
qui officii sive ordinis Ecclesiastici sunt expertes, à cuius
administratione seu executione Clerici suspenduntur.

Neutram suspensionem incurrit Episcopus, nisi de eo
nominatim fiat mentio. c. quia periculosum. de sent. excom.
in 6. c. si compromissiones. de elect. in 6.

Qui suspensione durante, officia divina exequuntur,
irregularitatem incurruunt; à qua non nisi per Summum
Pon-

Pontificem possunt liberari. c. 1. in fin. c. is qui. 18. §. 1.
de sent. excom. in 6.

Est irregularitas impedimentum Canonicum, quo quis prohibetur ordinem Ecclesiasticum suscipere, aut in suscep-
pto ministrare.

Ea non incurritur; nisi in casibus à jure expressis. c. is
qui. 18. de sent. excom. in 6. Est enim odiosa: propterea
restrin genda. c. odia. de reg. in 6.

De Remotione.

T I T. XLVII.

REmotio, seu Depositio, est de dignitate, ordine, gradu,
deturbatio, vel eorum privatio.

Est vel Verbalis, & proprie Depositio; vel Realis, & De-
gradatio, dicitur.

Depositio fit per sententiam, à solo Episcopo, causâ, in
jure expressâ, c. 1. dist. 35. Decius in c. ut si Clerici. de judic.
aut delicto graviori, c. tua. de pœn. Panorm. in c. fin. de
Celebr. Miss. hoc suadente.

Depositus Clericus, si celebrat, participatione corpo-
ris & sanguinis Domini, excommunicatione perpetua,
demto viatico sub mortis articulo præbendo, privatur. c.
accedens. dist. 50.

Depositus Curiæ seculari non relinquitur, c. cum non ab
homine. de judic. c. at si Clerici. eod. Panorm. post Cardin. in
d. c. cum non ab homine. Innoc. in c. 1. de homicid. in 6. sed
per Judices Ecclesiasticos, detrusione in monasterium, c.
inter solicitudines. in fin. de purgat. can. vel alia pœna, pu-
nitur; nisi sit incorrigibilis. Calest. in d. c. cum non ab ho-
mine.

Degradatio, (Depositio solennis aliàs dicta. in c. Episco-
pus. 11. qu. 3. c. 2. de pœn. in 6.) est, post sententiam, in-
signiorum ordinum solennis detractio.

Solemnitas est; ut Episcopus proprius, si Abbas degra-
dandus, præsentibus Abbatibus vicinis, c. si quis Abbas. 18.